

Nd.

563. Frumvarp til laga

um viðauka við og breyting á lögum nr. 11 2. júní 1933, um bráðabirgðaverðtoll.

(Eftir 2. umr. í Nd.).

1. gr.

Innkaupsreikninga yfir eftirtaldar vörur, sem fluttar eru hingað til lands og ekki eru af innlendum uppruna (endursendar íslenzkar afurðir) né teljast til farangurs ferðamanna, skal hlutaðeigandi lögreglustjóri, í Reykjavík tollstjóri, stimpla á þann hátt, sem segir í 1. gr. laga nr. 5 3. apríl 1928, með þeim hundraðshlutum af innkaupsverði þeirra, kominna um borð í skip, er flytja á vörurnar hingað til lands, sem hér greinir:

A. Með 100% stimplast reikningar yfir spil (playing cards).

B. Með 50% stimplast reikningar yfir eftirtaldar vörur:

Fatnaður úr silki, nema sokkar. Karlmannafatnaður búinn með silki eða skinni.

C. Með 30% stimplast reikningar yfir eftirtaldar vörur:

Albúm. Hanzkar úr skinni og silki. Skinntöskur, skinnveski, skinnbelti. Fatnaður úr skinni, öðru en loðskinni, og húfur allskonar. Gólfklútar.

D. Með 15% stimplast reikningar yfir eftirtaldar vörur:

Umbúðakassar, unnir og hálfunnir. Botnvörpuhlerar og tilheyrandi. Blakkir. Sigurnaglar. Bracket. Reykrör. Ístöð. Beizlistengur og beizlismél. Túrbínupípur, túrbínur allt að 100 hestafla. Jarðstrengjamúffur fyrir rafkambala. Öryggisdósir. Stauraskór. Kolaausur. Kröfsur. Strekkítengur. Þverslár á símastaura. Lausasmíðjur. Decimalvogir. Toppplötur á símastaura. Brunahanar. Brunnkarmar í holræsi og vatnsveitur. Hestrekur, Húsalistar, borðskápar og hillur í hús og annað smíði til húsa. Húsagrindur. Húsahlutar, hálf- eða altilhúnir. Blikkdósir, lóðaðar og smelltar. Gerduft. Strigaskór með gúmmisólum. Pappakassar, -öskjur, -hylki, -bakkar og pappirspokar. Pappír innbundinn og heftur, hverskonar áprentuð eyðublöð, áprentuð hréfs efni og umslög. Bréfs efni og umslög í öskjum. Prentaðir merkimiðar. Bundnar bækur, prentaðar eða ljósprentaðar erlendis fyrir isl. útgefendur. Band af isl. bókum, sem eru innbundnar erlendis.

E. Með 10% stimplast reikningar yfir eftirtaldar vörur:

Segl og presseningar. Óbndnar bækur, sem eru prentaðar eða ljósprentaðar erlendis fyrir isl. útgefendur. Þó er fjármálaráðherra heimilt að undanskilja frá verðtolti fræðirit ljósprentuð erlendis og þær bækur, sem samið hefir verið um ljósprentun á erlendis fyrir árslok 1934.

F. Með 5% stimplast reikningar yfir eftirtaldar vörur:

Málning, oliurifin málning. Kitti. Þerriolía. Lakkfernis. Kaðlar. Færi og fiskilínur. Öngultaumar. Þorskanet. Lóðabelgir.

G. Verðtollsfriðs: Hringjur. Beizliskeðjur. Taumlásar. Strigaborðar og strigagjarðir. Harpix. Penslar til málaraiðnar. Linoleum- og gúmmidúkalím. Flóki. Hnappar. Krókar. Smellur. Spennur. Kóssar. Vélar, sem eingöngu eru notaðar til innlendra framleiðslu, og varahlutar til þeirra.

Þar sem verðtollurinn er hærri eftir þessum lögum, er tollurinn eftir eldri verðtollslögum innifalinn í honum, en þar sem verðtollurinn er lægri, er tollurinn eins og segir í þessum lögum.

Verði ágreiningur um flokkunina, fellir fjármálaráðuneytið um það fullnaðarúrskurð.

2. gr.

Fjármálaráðherra er heimilt með reglugerð að lækka eða fella niður verðtoll af útlendum vörum samskonar og þeim, sem framleiddar eru innanlands, ef verðlag á innlendu vörunni reynist, við rannsókn, er ráðherra lætur framkvæma á innlendu vörunni, hærra en honum þykir sanngjarnt í samanburði við verð á samskonar vöru innfluttri frá útlöndum, án verðtolls.

3. gr.

Ákvæði 1. gr. laga nr. 5 1928, um sýning innkaupsreikninga, og ákvæði 2. gr. sömu laga og gildandi reglugerð um verðtoll gilda einnig um gjald og innheimtu samkvæmt 1. gr. þessara laga. Ráðherra getur með reglugerð sett nánari reglur um þetta gjald, og má þar ákveða sektir fyrir brot á ákvæðum laganna eða reglugerðarinnar.

4. gr.

Ef óeðlilega lágt eða grunsamlegt verð er gefið upp á innfluttri verðtollsskyldri vöru, er tollheimtumanni rétt að ákveða sanngjarnt verð á þeirri vöru til verðtollsákvörðunar.

5. gr.

Lög þessi öðlast þegar gildi, og gilda til ársloka 1936.